

## आकाशवाणी

- सख्त सुरक्षा बंदोबस्त हेठ बिहार विधानसभा चुनां लेई पाए गेदे वोटें दी गिनतरी आहला कम्म शुरु।
- कलकत्ता हाई-कोर्ट नै भारत-बंगलादेश बन्ने पर बाड़ लगाने पर पच्छिम-बंगाल सरकार थमां हलफनामा मंगेया।
- भारत मंडपम च अज्ज थमां शुरु होग 44मां भारत अंतराष्ट्रीय बपार मेला।
- भारतीय मौसम विभाग नै अगले दंऊ दिनें लेई छत्तीसगढ़ ते मध्य-प्रदेश च सीत लहर बनी रौहने दी पेशगोई कीती ऐ।
- ते क्रिकेट च अज्ज Eden Gardne च दो मैचें सीरिज़ दे पैहले टैस्ट मैच च भारत ते दक्खन अफ्रीका दा मकाबला होग।

<><><><><><><>

## Bihar Counting

बिहार विधान सभा चुनां लेई पाए गेदे वोटें दी गिनतरी आहला कम्म बड्डलै 8 बजे थमां शुरु होआ। राज्य दे 38 जिलें दे 46 मतदान केन्द्रें पर 243 निर्वाचन हलके दे वोटें दी गिनतरी होग। बिहार च 2 गेड़ च चुनां होए हे ते इस बारी 67 फीसद थमां मता मतदान होआ। एह 1951 दे मगरा सब्भनें थवां मता आंकड़ा ऐ।

2 जहार 616 मेदवारें दे सियासी भागें दा फैसला अज्ज होई जाग। आकाशवाणी समाचार कन्नै गल्ल करदे होई बिहार दे मुख चुनां अधिकारी विनोद सिंह होरें आखेया जे सारे मतगणना केन्द्रें पर सुरक्षा दे पुख्ता इंतजाम कीते गेदे न।

<><><><><><>

Calcutta HC –Border Fencing

कलकत्ता हाई कोर्ट नै भारत-बांगलादेश बन्ने पर बाड़ लाने दे मुद्दे पर पच्छिम बंगाल सरकार सवां हलफनामा मंगेया ऐ। अदालतै च दायर जनहित याचिका च बंगला देश सीमा कन्नै लग्गदे खुल्ले इलाकें च कंडे आली तार दी बाड़ लाए जाने दी मंग कीत गई ऐ। पच्छिम बंगाल च मुल्खै दा लगभग 2 हजार 216 किलोमीटर बन्ना बांगलादेश कन्नै लग्गदा ऐ। इस इलाके च केई थाहरें पर बाड़ नैई होने करी घुसपैठ ते तस्करी जनेही घटनाएं दी खबर थोन्दी रोहन्दी ऐ। केन्द्र सरकार दे एडिशनल Solicitor जनरल अशोक चक्रवर्ती होरें अदालतै गी दस्सेया जे पच्छिम बंगाल सरकार इस मुद्दे पर केन्द्र गी सहयोग नैई करा रदी ऐ। कोलकत्ता हाई कोर्ट दी खंडपीठ नै राज्य सरकार गी 15 दिनें दे अंदर-अंदर अलफनामा दाखल करने लेई आखेया ऐ।

<><><><><><>

IITF

नमीं दिल्ली दे भारत मंडपम च अज्ज थमां 44मां भारतीय अंतराष्ट्रीय बपार मेला शुरु होग। 14 दिन चलने आहले इस मेले च संयुक्त अरब अमीरात- चीन- ईरान- दक्खन कोरिया ते मिस्र सने 12 मुल्ख हिस्सा लै रदे न।

उआं रक्षा उत्पादन महकमे आसेया अज्जै थमां भारत अंतराष्ट्रीय बपार मेले च भारत दी स्वदेशी रक्षा क्षमताएं दा प्रदर्शन कीता जाग। रक्षा मंत्रालय नै जानकारी दिती ऐ जे इस मेले च आत्मनिर्भर भारत पैहलकदमी तैहत हासल कीते गेदे मते महत्वै आहले बदलाव गी उजागर कीता जाग- जेहदे च रक्षा निर्माण परिस्थितिकी प्रणाली दी बधदी ताकत ते नवाचार दा प्रदर्शन कीता जाग।

<><><><><><>

PM Nehru

प्रधानमंत्री नरेन्द्र मोदी होरें साबका प्रधानमंत्री पंडित जवाहर लाल नेहरु होरें गी उंदी जयंति पर श्रद्धांजलि भेंट कीती। मोदी होरें सोशल मीडिया दी पोस्ट राएं मुख्य दे पैहले प्रधानमंत्री होरें गी श्रद्धांजलि भेंट कीती। पंडित नेहरु हुंदा जन्म 14 नवम्बर 1889 गी इलाहाबाद च होआ हा।

<><><><><><>

Prez Arrival

राष्ट्रपति द्रौपदी मुर्मू होर अफ्रीका दे 2 देशों दी राजकीय यात्रा मगरा नमीं दिल्ली पुज्जी गेइयां न। अपने दौरे दौरान उन्हें अंगोला ते बोत्सवाना दी यात्रा कीती।

<><><><><><>

VP -Rotary Tejas

उपराष्ट्रपति सी.पी. राधा कृष्ण होर अज्ज नमीं दिल्ली च स्थित यशोभूमि च समाजसेवी संगठन रोटरी क्लब च “रोटरी तेजस- Wings of Change” कार्यक्रम दा उदघाटन करगंन। रोटरी 14 लक्ख थमां मते पेशेवर ते सामुदायिक कारजकर्ताएं दा वैश्विक नैटवर्क ऐ- जेड़ा मनुक्खी चुनौतयें कन्नै निबड़ने च योगदान दिंदा ऐ। भारत च रोटरी दी 6 हजार 7 सौ थमां मते कल्बे च 2 लक्ख 10 हजार थवां मते सदस्य न- जेड़े सेवा योजनाएं च सक्रिय तौर कन्नै जुड़े दे न।

<><><><><><>

IMD Weather

मौसम विभाग नै छत्तीसगढ़ ते मध्य-प्रदेश च अगले 2 दिनें तगर सीत लैहर बनी रौहने दी पेशगोई कीती ऐ। पूर्वोत्तर भारत ते उत्तर-प्रदेश च अगले 2 थमां त्रै दिनें तगर कोहरा छाए रौहने दी मेद ऐ। केरल ते माही च अज्ज गरज कन्नै अंधी-झक्खड़ झुलने ते बरखा पौने दी संभावना बी जताई गई ऐ। दिल्ली ते राष्ट्रीय राजधानी आहले क्षेत्र च हवा च गुणवत्ता गंभीर श्रेणी च बनी दी ऐ। केन्द्रीय प्रदूषण नियंत्रण बोर्ड मूजब अज्ज बड़लै 7 बजे हवा गुणवत्ता आहला सूचकांक 401 दर्ज कीता गया ऐ।

<><><><><><>

## Test Cricket IND Vs SA

क्रिकेट च अज्ज Eden Garden च दंडू मैचें दी सीरिज़ दे पैहले टैस्ट मैच च भारत दे दक्खन अफ्रीका दा मकाबला होग। मैच भारतीय समें मताबक बड्डलै 9:30 बजे शुरु होग। विश्व टैस्ट चैम्पियनशिप 2025-27 दे महत्वपूर्ण अंके कन्नै भारत दा मकसद ऐ जे ओह 2027 दे WTC फाईनल च थाहर हासल करने लेई अपनी दावेदारी होर मजबूत करै। इंग्लैंड च 2-2 कन्नै बराबरी ते वैस्ट इंडीज गी 2-0 कन्नै हराइयै भारत WTC Standing च त्रीए थाहर उप्पर ऐ।

<><><><><><>

## India Nepal Meet

वाणिज्य ते उद्योग मंत्री पीयूष गोयल होरें कल नमीं दिल्ली च अपने नेपाली समकक्ष अनिक कुमार सिन्हा हुंदे कन्नै दपक्खी गल्लबात कीती। इस दरान दौनें मुखें भारत ते नेपाल बश्कार पारगमन संधि दे Protocol च संशोधन करने आहले विनिमय-पत्र दा आदान-प्रदान कीता गया। वाणिज्य ते उद्योग मंत्रालय नै आखेया ऐ जे इस पत्र कन्नै जोगबनी-विराटनगर रेल लिंक कन्नै Containtor ते Buck Cargo दौनें लेई सिद्धी रेल Connectivity सक्षम होग जाग।

<><><><><><>

## Philippines India Partnership

अमरीका च फिलिपींस दे राजदूत जोस मैनुअल डेल गैलेगो रोम अल ज़ेज होरें भारत-फिलिपींस दी मजबूत सांझेदारी दी सराहना कीती ते उनें भारत गी फिलीपींस दे सब्भनें थमां करीबी दोस्ते ते प्रमुख रक्षा सांझेदारें चा इक

दस्सेया। जोस होरें वाशिंगटन च इक कार्यक्रम गी सम्बोधित करदे होई भारत  
थवां खरीदी गेदी ब्रह्मोस मिसाइलें गी रक्षा सरबंधें दे मजबूत होने दा प्रमाण  
दस्सेया। फिलीपींस नै हाल च गै भारत थवां 376 मिलियन डॉलर मूल्य दी  
ब्रह्मोस मिसाइलें दा सौदा कीता जेदे कन्नै दक्खन चीन सागर च ओदी सैन्य  
क्षमता बदी जाग।

<><><><><><><>

Negaland- Narcotics Conference

पच्छिम बंगाल सन 8 पूर्वोत्तर राज्यें दे नशीलें पदार्थ रोधी कार्यबल दे प्रमुखें दा  
पैहला क्षेत्रीय सम्मेलन नागालैंड पुलस परिसर चुमौकेदिमा च शुरु होआ। 2 रोजा  
इस सम्मेलन दा आयोजन नागालैंड पुलस नशा मुक्त भारत मिशन तैहत  
नशीले पदार्थ नियंत्रण ब्यूरो दे सहयोग दे कन्नै होआ रदा ऐ। इसदा मुख  
मकसद नशीले पदार्थ दी आपूर्ति पर रोक लाना ते प्रवर्तन, पुर्नवास ते  
नशामुक्ति पर ध्यान केन्द्रित करना ऐ। इसदे च सरबन्धी अधिकारियें दे हिस्सा  
लैने दी मेद ऐ।

<><><><><><><>